

LEMBARAN PENDEDAHAN PRODUK		Nama Produk: Penulisan Wasiat Islam as-Salihin (Wasiat)
Sila baca Lembaran Pendedahan Produk ini sebelum anda membuat keputusan untuk memohon dan melanggan produk Penulisan Wasiat Islam as-Salihin (Wasiat). Pastikan anda juga membaca dan memahami terma dan syarat yang berkaitan dengan produk ini. Sila dapatkan pengesahan dari CIMB Islamic Bank Berhad ("Bank") atau as-Salihin Trustee Berhad 200401031859 (670367-D) ("AST"), sekiranya anda tidak memahami sebarang bahagian dalam dokumen ini, dan/atau mana-mana terma-terma umum.		Jenis: Wasiat Ekspres Tarikh: _____
1. Apakah produk ini?		
Bank bersama rakan kerjasamanya, AST menyediakan produk dan perkhidmatan Penulisan Wasiat kepada pelanggan Bank. Melalui kerjasama ini, Bank sebagai pengedar sah yang dilantik oleh AST sebagai Penyedia Perkhidmatan, diberi kuasa untuk menawarkan produk Wasiat kepada Pelanggannya atau Pewasiat ("Pewasiat" di sini adalah merujuk kepada seseorang yang membuat janji atau arahan di dalam produk Penulisan Wasiat Islam atau Wasiat). Wasiat ialah <i>iqrar</i> atau pengakuan seseorang yang dibuat semasa hayatnya berkenaan dengan harta beliau atau manfaat daripadanya, untuk dilaksanakan bagi tujuan kebajikan atau apa-apa tujuan lain yang dibenarkan oleh Syariah selepas kematiannya. Siapakah yang layak memohon dan melanggan produk ini? ▪ Dewasa (berumur 18 tahun ke atas) ▪ Berfikiran waras ▪ Atas kehendak sendiri ▪ Tidak tertakluk kepada sebarang larangan undang-undang untuk mentadbir hartanya		
2. Apakah konsep Syariah yang digunakan?		
Wakalah	Wakalah merujuk kepada kontrak di mana satu pihak, sebagai prinsipal (muwakkil) memberi kuasa kepada pihak lain sebagai ejennya (wakil) untuk melaksanakan tugas tertentu mengenai perkara yang boleh diwakilkan, dengan atau tanpa mengenakan bayaran.	
	Di dalam kontrak perjanjian ejen, pihak Bank akan bertindak sebagai ejen kepada AST, di mana AST akan bertindak sebagai prinsipal dengan menyediakan perkhidmatan penulisan Wasiat untuk pelanggan Bank dengan mengenakan bayaran tertentu.	
Wasiyyah/Wasiat	Suatu <i>Iqrar</i> atau pengakuan seseorang yang dibuat semasa hayatnya mengenai hartanya atau manfaat daripadanya, yang akan dilaksanakan untuk tujuan kebajikan atau untuk apa-apa tujuan lain yang dibenarkan oleh Syariah selepas kematiannya	

Faraid	Undang-undang pusaka Islam yang mana di bawah undang-undang Faraid, pengagihan bahagian ahli waris telah ditetapkan sepertimana di dalam Al-Quran. Ahli waris yang bukan Islam pula, tidak layak untuk menerima pengagihan faraid.
---------------	--

3. Apakah manfaat yang saya akan perolehi daripada langganan produk ini?

- Mempercepatkan proses perundangan bagi permohonan sijil faraid dan geran probet
- Peruntukan dan pengurusan untuk menyelesaikan hutang Pewasiat
- Memudahkan pengurusan untuk mewariskan 1/3 daripada harta pusaka Pewasiat kepada bukan waris
- Menjimatkan masa dan kos dalam pengagihan harta pusaka setelah Pewasiat meninggal dunia
- Hak Pewasiat lelaki untuk melantik penjaga harta bagi anak di bawah umur atau anak yang kelainan Upaya;
- Mengelakkan pertikaian keluarga; dan
- Membantu memenuhi keinginan Pewasiat selepas kematian dan memastikan pengurusan harta pusaka terlaksana secara cepat dan telus.

4. Apakah terma dan syarat lain produk ini yang perlu saya ketahui?

- Anda boleh menukar kandungan wasiat anda pada bila-bila masa
- Pewasiat juga dibenarkan membatalkan wasiat beliau pada bila-bila masa sepanjang hayatnya
- Segala harta/benda yang dilarang dan haram menurut Islam seperti arak, khinzir dan seumpamanya di bawah undang-undang Islam/ Syariah, adalah tidak dibenarkan sama sekali untuk diwasiatkan.

5. Apakah fi dan caj* yang perlu saya bayar?

Jenis	Fi/Caj
Penulisan wasiat (bayaran sekali sahaja)	RM500
Nota: <i>*Kadar fi dan caj di atas adalah betul pada masa yang ditawarkan, walau bagaimanapun, sekiranya terdapat perubahan, ianya tertakluk kepada pemberitahuan daripada Penyedia Perkhidmatan.</i>	

Fi Agihan (Untuk rujukan Pelanggan)

Berikut adalah kadar Fi and Caj agihan yang akan diterima oleh pihak bank daripada pihak AST, di atas jualan dan bayaran yang dibayar oleh pelanggan Bank untuk produk Ekspress Wasiat:

Produk	Harga Jualan Runcit (RM)	Fi & Caj Agihan Bank (RM & Kadar Peratusan)
Wasiat Ekspres	500	285 (57%)
Jumlah	500	285 (57%)

6. Apakah yang perlu saya lakukan sekiranya terdapat sebarang perubahan kepada butiran peribadi saya?

Penting untuk anda memaklumkan kepada kami jika terdapat sebarang perubahan dalam butiran peribadi anda dalam memastikan semua surat menyurat sampai kepada anda.

7. Di mana boleh saya dapatkan maklumat lanjut?

Sebarang pertanyaan berkaitan produk Wasiat termasuk kadar fi dan caj, anda boleh menghubungi pihak Penyedia Perkhidmatan Penulisan Wasiat Islam as-Salihin (Wasiat) di:

as-Salihin Trustee Berhad

101 - 301, Block A, Glomac Business Centre
No. 10, Jalan SS6/1, Kelana Jaya 47301,
Petaling Jaya, Selangor
Hotline Tel: 03 7880 9595 | Fax: 03 7880 8190
E-mel: marketing@as-salihin.com
Laman Sesawang: <https://as-salihin.com/en/contact-us/>

Jika anda ingin membuat sebarang aduan berkaitan perkhidmatan yang disediakan oleh Bank mengenai pengedaran Penulisan Wasiat Islam as-Salihin (Wasiat), anda boleh menghubungi pihak Bank di:-

CIMB Bank Berhad/ CIMB Islamic Bank Berhad

Customer Resolution Unit (CRU)/ Consumer Contact Centre (CCC)
P.O. Box 10338, GPO Kuala Lumpur
50710 Wilayah Persekutuan
Hotline CCC Tel : +603 6204 7788
E-mel: contactus@cimb.com
Laman Sesawang: <https://www.cimb.com.my/en/personal/help-support/contact-us.html>

Saya/Kami dengan ini mengesahkan bahawa Lembaran Pendedahan Produk telah diterangkan kepada Pelanggan.

Saya dengan ini mengesahkan bahawa saya telah menerima dan faham dengan keterangan yang telah diberikan.

.....
Nama Staf Bank:
ID Staff Bank:
Tarikh:

.....
Nama Pelanggan/ Pewasiat:
No. K/P:
Tarikh: